



DUL Alias (berdiri, tiga kanan) bersama pemain dan pengurusan LLPM FC.

LLPM mara ke final Karnival Jemputan UMSKAL

UB 20.12.2017 All

LABUAN: Pasukan bola sepak LLPM (Labuan Liberty Port Management Sdn Bhd) atau lebih dikenali dengan nama LLPM FC mara ke final Karnival Jemputan UMSKAL 2017 setelah menewaskan UMSKAL dengan jaringan 3-1 di Padang Dataran Labuan.

Dengan slogan 'Sehati Sejiwa Bersama Mengharungi Cabaran', pasukan bimbingan Dul Alias itu mengucapkan tahniah dan syabas kepada semua pemain yang menunjukkan kesungguhan ketika menentang UMSKAL di separuh akhir.

Dul Alias turut merakamkan ucapan penghargaan kepada barisan pengurusan pasukan yang terdiri daripada pengurus

pasukan, penolong jurulatih dan Fisio.

"Jutaan terima kasih juga kepada Pengerusi Kelab Sukan & Rekreasi LLPM dan Pengurusan LLPM yang sentiasa menyokong pasukan bola sepak LLPM selama ini," katanya.

Pengarah Urusan LLPM Dato' Sri Mohd Alias Abd Rahman dan Pengarah Operasi Datin Sri Norsiah Abdullah berharap pemain akan berusaha gigih untuk merangkul kejuaraan karnival itu.

LLPM FC akan menentang Complex FC di perlawanan akhir di Padang UMSKAL bermula jam 7.30 malam ini.

Complex FC menewaskan Labuan Academy juga dengan keputusan 3-1.